

SALÓN DO  
CÓMIC  
E ILUSTRACIÓN



CANGAS

# II CONCURSO COSPLAY

## Salón de Cómic de Cangas

# BASES

## 1. ORGANIZACIÓN E DESCRICIÓN DO CONCURSO

A organización do Salón de Cómic e Ilustración de Cangas convoca o **2º Concurso Pasarela Cosplay**, que consiste nun concurso de disfraces de temática relacionada co mundo dos personaxes de cómic, manga e videoxogos.

## 2. DESENVOLVEMENTO DO CONCURSO

### 2.1. Categorías:

Establécense dúas categorías: **individual e grupal**. Os/as cosplayers poderán inscribirse nunha ou en varias categorías coas limitacións que se exporán a continuación.

### 2.2. Inscripción e requisitos para a participación no Concurso.

Para a participación no Concurso será imprescindible a previa **inscripción na Casa da Xuventude antes do día 1 de xullo**.

*(Os/as cosplayers en grupo terán que pertencer á mesma temática, e cada grupo poderá estar formado por un mínimo de 2 e ata un máximo de 5 integrantes.)*

Poderán inscribirse **ata 20 participantes** nas categorías individual e grupal, por rigorosa orde de chegada, ademais de 10 prazas de reserva para suplir posibles baixas.

Un mesmo participante non pode competir co mesmo cosplay en dúas categorías diferentes.

Os/as participantes deberán enviar un arquivo *mp3* que conteña unicamente o tema musical elixido para a súa presentación.

En caso de ser menores de idade a correspondente autorización de pais, nais ou titores legais para poder participar.

### 2.3. Fases e desenvolvemento do Concurso.

O concurso celebrarase o **21 de xullo no Auditorio Municipal ás 18.00 h**.

O xurado fará un revisado de traxes antes do desfile. En primeiro termo desfilarán os/as participantes de categoría individual, e logo os de categoría grupal. Os/as participantes desfilarán de un en un (ou en grupo) coa música proposta pola organización ou a que eles/as aporten previamente na inscrición, e a súa actuación non debe exceder de 2 minutos. Durante o desfile non deberá haber interacción co público de tipo ameazante ou provocador. Non poderán subir ao escenario ningunha persoa allea ao desfile que se estea a desenvolver en cada momento.

### 2.4. Elección de finalistas e gañadores.

#### Composición e criterios do xurado.

A elección tanto dos finalistas como dos/as gañadores/as será realizada polo xurado que estará presidido pola Concelleira Delegada de Mocidade e Voluntariado do Concello de Cangas e composto por persoas cualificadas neste campo artístico, 1 debuxante, 1 técnico de cultura, 1 técnica de Mocidade e 1 fotógrafo de prensa. A secretaría será cuberta pola técnica responsable de Xuventude. A Concelleira delegada de área será a encargada de nomear aos membros deste tribunal.

O xurado elixirá directamente aos gañadores/as de cada categoría valorando:

- Nivel de dificultade do cosplay
- Similitude do traxe e dos seus detalles en relación co personaxe
- A caracterización do personaxe
- Aceptación do público
- Materiais, calidade e acabado do vestiario
- Ambientación no caso da categoría especial

Os disfraces deberán ser de **fabricación caseira**. Non están permitidos os disfraces prefabricados ou comprados. Os accesorios e partes prefabricadas poden ser utilizados para a confección do traxe. Ditos elementos prefabricados só poderán ser utilizados se foron modificados de xeito evidente polo participante.

**O tempo máximo de actuación é 2 minutos por participante/s** incluíndo o tempo de preparación, debendo deixar o escenario como o encontraron ao finalizar a súa presentación. Cada participante terá un número para a súa actuación, mantendo así unha orde correcta.

Atendéndose ao disposto no Real Decreto 137/1993 sobre o Regulamento de Armas, queda terminantemente prohibido que os participantes utilicen na súa actuación armas de lume, de metal e outros obxectos contundentes e/ou afiados ou as súas respectivas imitacións que polas súas características poidan inducir a confusión sobre a súa auténtica natureza. Está prohibido tamén o uso de elementos perigosos para a integridade física das persoas como material pirotécnico e inflamable. Só se permitirán imitacións de armas en plástico, cartón e outros materiais que non revistan perigosidade nin para os concursantes nin para o público asistente. Tampouco se poderán utilizar aparellos conectados á rede eléctrica, xerador ou calquera outro tipo de conexión para producir efectos visuais, de son ou calquera outro tipo efecto especial.

A organización resérvase o dereito de cancelar ou cortar calquera actuación que poida conter imaxes

ofensivas para ou cos asistentes.

O xurado valorará a orixinalidade, bo gusto, beleza e confección dos disfraces, así como a posta en escena dos concursantes no seu desfile.

**O xurado poderá declarar deserto calquera destes premios.**

### 3. PREMIOS

- Mellor confección.....150 €
- Mellor Show..... 150 €
- Favorito do xurado..... 200 €

### 4. CESIÓN DE DEREITOS DE IMAXE.

A participación no Concurso implica a cesión dos dereitos de imaxe para a utilización de vídeos e/ou fotografías nos distintos canais de comunicación do Salón de cómic sen compensación económica ningunha. A participación no presente concurso leva implícita a autorización de publicar calquera dato, fotografía ou vídeo dos concursantes en calquera medio de difusión pública ou privada e, en particular, a autorización de publicar vídeos e o nome dos participantes.

### 5. ACEPTACIÓN ÍNTEGRA DAS BASES.

A participación no Concurso supón a aceptación íntegra e automática das presentes bases, sen reserva algunha, e a submisión expresa das decisións interpretativas que das mesmas efectúe a organización do Salón do cómic

A organización do Salón do cómic resérvase o dereito de rexeitar a participación de calquera concursante que non cumpra coas bases de participación ou contraveña o espírito deste concurso, ademais de adoptar calquera iniciativa que, sen estar regulada nas presentes bases, contribúa a un maior éxito do concurso sen que poda formularse reclamación algunha.



Concello de Cangas



CASA DA XUVENTUDE

[www.facebook.com/  
saloncomiccangas](https://www.facebook.com/saloncomiccangas)

[www.cangas.gal](http://www.cangas.gal)

[www.facebook.com/  
xuventude.cangas](https://www.facebook.com/xuventude.cangas)